



**R. P. Francisci Svarez Granatensis, E Societate Iesv
Doctoris Theologi; Et In Conimbricensi Academia
Sacrarvm Litterarvm Olim Primarii Professoris Emeriti De
Divina Gratia Pars ...**

Continens Posteriores Libros Septem De Habituali Gratia, Sanctificatione
Hominis, Ac Merito

Suárez, Francisco

Mogvntiæ, 1621

Cap. VI. Vtrum iustificatio sit effectus formalis gratiæ positivus, & quid
proprie verbum iustificandi. & iustificationis significet?

[urn:nbn:de:hbz:466:1-94104](https://nbn-resolving.org/urn:nbn:de:hbz:466:1-94104)

mur, moralis modo magis perfectio per eam satis facimus. Et fortasse, ceteris paribus, idem opus hominis iusti nunc magis satisfactorium est apud Deum, quam si non essemus Christi viua membra per gratiam. Idem argumentum facio de efficacia orationum, quia maior nunc est propter Christum, non solum quando propter illum expresse postulamus, quod est longe certius, sed etiam quando simpliciter postulamus, in eo per fidem viam radicati, & fundati quasi in habitu. Et in vniuersum est mihi verisimilimum, Deum nunc pluribus auxiliis, & fauore benigniori, & maiori prosequi iustos, habentes gratiam per Christum, quam debitum est gratiæ ex natura sua, vel quæ sine Christo eis concederetur, etiam cum æquali gratia habituali. Hoc enim totum est valde consentaneum, & fortasse debitum meritis Christi, & amoris Patris erga ipsum, & in solutionibus argumentorum hoc magis declarabitur.

Ad fundamentum prioris sententiæ negatur sequela, nimirum Christum gratis mortuum esse, si gratia, quæ per illum datur per se, & natura sua, est sufficiens forma, nos gratos, & acceptos Deo formaliter constituens, quia nec illam formam ex nobis habemus, nec secundum statutam à Deo prouidentiam illam sine Christo haberemus. Vnde, ut Christus non sit gratis mortuus, non est necesse, ut eius incarnatio, vel gratia, quam in se habet, vel meritum eius fuerint necessaria in ratione formæ, vel moralis, vel partialis ad nos gratificandum, aut quod Deus de absoluta potentia sua non potuerit vere, & proprios facere si bi gratos intrinsece sine interuentu Christi, seu meritum eius, alioqui omnia media diuine prouidentie ad nos sanctificandum, ut sacramenta, & similia, dicerentur gratis, id est, superuacaneè instituta, quia sine illis posset Deus de sua absoluta potestate aliter gratiam suam nobis conferre: quod falsum, & absurdum esse constat. Satis ergo est, quod ex conuenienti lege, & ordinatione diuina Christus fuerit nobis necessarius ut redemptor, & sanctificator, non in ratione causæ formalis sanctificantis, etiam partialis, sed in ratione causæ meritorie, sine qua habere non possemus sanctificantem formam, vnde sine fundamentum inducitur similitudo ex argumento Pauli, nam Christus non est mortuus, ut nos haberemus iustitiam operum naturalem, vel legalem, & ideo si per talem iustitiam grati Deo, vel iusti esse possemus, gratia Christi mortuus esset, mortuus est autem Christus, ut iustitiam fidei, & gratiæ consequi possemus, utique secundum legem à Deo statutam, & ideo non gratis, sed necessario propter nostram salutem mortuus est. Confirmationes autem positæ ad summum probant secundam assertionem nostram, non vero procedunt contra primam. Quia negamus, gratiam sanctificantem esse posse maiorem in esse gratiæ, id est, in ratione formæ constituentis hominem gratum, & acceptum Deo, quam in esse qualitatis. Imo de facto, & secundum legem non potest acceptari alicuius ad maiorem gloriam, quam sit gratia eius tam gloriæ, quæ in esse qualitatis, quam gratiæ, & quoad hoc idem est status gratiæ Christi, licet sub aliis respectibus quasi accidentariis possit aliunde dignificari.

Ad argumentum secundæ sententiæ concedimus, gratiam eandem, ex eo quod sit per Christum, non reddere hominem magis gratum, nec magis dilectum intrinsece, neque acceptum ad maiorem gloriam, quod argumentum illud tantum probat. Non exemplum tamen probat, nullam moralem dignitatem accrescere gratiæ per respectum ad Christum. Nam filius respondens, aliquam nobilitatem habet ex relatione ad patrem, & inde aliquem honorem meretur, sicut Beatissima Virgo ex contractu ad filium, & tali relatione ad illum specialem dignitatem consequuta est. Et sponsa nobilitatur per coniunctionem ad personam nobilem, quæ nobilitas in ordine ad effectus morales spectatur, etiam si entitatem, vel qualitatem non addat.

pars 3.

Ita ergo in præsentem fatemur quidem, gratiam ex eo quod sit per Christum, non habere in se maiorem perfectionem physicam, & ita solum addere respectum quendam ad Christum, ille vero satis est, ut propter Christum ipsum in ordine ad aliquos effectus morales secundarios, & quasi accidentarios efficacior, & dignior gratia ipsa reddatur. Eadem fere responsio datur ad primam confirmationem, probat enim priorem assertionem, & non procedit contra secundam. Quia id, quod moraliter dicimus accrescere gratiæ ex habitudine ad Christum, non pertinet ad gratificationem, & sanctificationem quasi substantialem, sed solum ad accidentariam quandam nobilitatem, & efficacitatem moralem, ut explicatum est. Ad secundam confirmationem negatur sequela, quia cum hæc moralis dignitas non pertineat ad formalem effectum gratiæ, non reddit hominem simpliciter magis gratum, nec acceptum ad maiorem gloriam, quam ipsi gratiæ secundum se respondeat, sed solum confert ad alios inferiores, & accidentarios effectus, ut explicauimus.

CAPVT VI.

Vtrum iustificatio sit effectus formalis gratiæ positius, & quid proprie verbum iustificandi, & iustificationis significent?

CIRCA formalem iustificationis effectum huius temporis hæretici dupliciter errant. Primo quatenus à vera iustificatione excludunt omnem verum effectum positium gratiæ, & in sola remissione peccatorum illam constituunt, secundo quia neque ipsam peccatorum remissionem veram agnoscunt, sed fictam per quandam non imputationem, sed de hoc posteriori puncto dicemus inferius, nunc de priori dicendum est. Qui fuit etiam antiquus error Pelagii, nam licet cognouerit gratiam remissionis peccatorum, non tamen intellexit fieri per interioris gratiæ subministrationem, ut dixit Augustinus cum aliis Episcopis Epist. 95. & ideo in Concilio Mileuit. canon. 3. damnatur, quia gratiam ad solam peccatorum remissionem valere dicebat. Et ita Pelagius tribuit hunc errorem Stapleton. libro quarto de Grat. & libro arb. capit. 1. & Vega libro 7. in Trident. capit. 24. ubi immerito refert Vualdensem quasi in hoc Pelagio assentientem, tribuit enim illi, quod dixerit, sine causa fuisse Pelagium damnatum eo quod negauerit, gratiam esse qualitatem, sicut referebat Vviclephus. Nihil enim horum ita inuenitur apud Vualdensem, nam potius ille tom. 3. de Sacramentalibus capit. 1. num. 9. reprehendit Vviclephum, quod excusare voluerit Pelagium, quasi non negauerit qualitatem gratiæ, quæ non possit per se esse, sed in spiritu grato, & contra illud infert, tanquam inconueniens, quod si ita esset, sine causa Pelagius fuisset damnatus: potius ergo intelligit Vualdensis errasse Pelagium, quia veram gratiam inhærentem internam negauit. Est autem discrimen inter hos errores, quia Pelagius in eo fundabatur, quod nullum donum gratiæ neque actuale, neque habituale cognoscebat. Hæretici vero huius temporis, licet non negent omnia interna gratiæ dona, vel actualia, vel etiam habitualia (ut de paucis eorum refertur) nihilominus negant esse sufficientia ad iustificandum. Præcipue vero nituntur in verbo, iustificandi, eiusque significatione propria, & vnica, ut ipsi consingunt. Vnde virtute sic argumentantur: iustificare aliquem solum est illum à peccatis absolueret, ergo iustificatio non est, nisi peccatorum remissio. Consequentiam ut claram supponunt. Antecedens autem probant, tum ex proprietate verbi, quod dicunt esse verbum forense, & nihil aliud significare, nisi aliquem in iudicio absolueret, & innocentem declarare, tum etiam quia hanc significationem, & non

Error duplex hæreticorum.

G

aliam,

aliam, habet hoc verbum in Scriptura. Vt ergo hunc errorem refutemus, circa significationem verbi iustificationis, & nominis iustificationis, aliquantisper immorari necesse est, & quia iustificatio habitudine dicit ad iustitiam, eamque vt terminum respicit, ab illa tanquam ab intrinseco fine, & scopo, iustificationis inchoandum est.

2. Primo ergo circa nomen iustitiæ supponendum *Nomen iustitiæ quid significet.* est, proprie significare rectitudinem quandam, & æquitatem, vt dixit Anselmus in Dialog. de Verit. cap. 13. Et ideo virtus illa, quæ alteri ius, & æquitatem seruat, iustitia proprie appellata est, & quia leges præcipiunt, quod iustum est, dicuntur iustitiam continere, & interdum nomine iustitiæ significantur, iuxta illud Psalm. 18. *Lex Domini immaculata conuertens animas, iustitia Domini recte lætificans corda*, id est, leges, Domini recte. Vnde ipsa lex naturalis solet appellari naturalis iustitia, & quia ius naturale diuinum est, ideo solet etiam appellari iustitia Dei, vt aliqui probabiliter intelligunt id, quod de philosophis gentilibus ait Paulus ad Roman. 1. *Cum iustitiam Dei cognouissent, non intellexerunt, quod qui talia agunt, digni sunt morte*, id est cum ius ipsum naturale cognouissent: namque vltatum est, vt nomen virtutis interdum obiecto eius tribuatur, vt cultus Deo debitus vocatur religio, & mediocritas in cibo vocatur temperantia, ideoque ius ipsum solet iustitia vocari, iuxta id Mai. 5. *Iustitiam iusti auferis ab eo*, id est, iure suo illum priuatis. Hinc etiam consequenter leges ipse continent ius, iustitiæ, vel iustitiarum, aut iustificationum nominibus solent in Scriptura appellari, vt Psalm. 118. Roman. 2. & alias frequentissime. Proprie autem iustitia significat virtutem illam, quæ ius, seu rectitudinem seruat. Et hanc respicit iustificatio, quia non de iustificatione legis, aut obiecti, sed hominis tractamus.

3. Vt etiam hanc iustitia duplex à philosophis distinguitur, scilicet particularis, seu specialis, & generalis, seu vniuersalis. Et vtraque istarum multipliciter dici potest, quia particulare, & generale respectiue dicuntur, & aliquid respectu vnius potest esse particulare, & respectu alterius generale. At vero, modo magis vtitur, iustitia vniuersalis, seu generalis dicitur, quæ omnium virtutum honestatem, & mediocritatem obseruat, diciturque vniuersalis, non per abstractionem, seu in prædicando, sed per collectionem, & in continendo, sic enim iustitia generalis omnes virtutes in se continet, non vt partes subiectiuas, sed vt partes integrantes plenam iustitiam. Vnde opponendo iustitiam particularem huic generali, quolibet particularis virtus, siue sit ad alterum, siue non, dicitur quædam particularis iustitia. Magis vero proprie iustitia particularis dicitur illa, quæ ad alterum ordinatur, & ius suum vnicuique reddit. Quia vero intra hoc genus particularis iustitiæ plures sunt species, ideo etiam intra illam iustitiæ proprietatem distingui potest, & solet iustitia particularis, & generalis: & particularis dicitur qualibet species vltima iustitiæ, vt distributiuæ, vel commutatiuæ, generalis vero dici potest vel genus iustitiæ abstrahendo ab illis speciebus, vel collectio omnium specierum iustitiæ: & hanc vocant aliqui iustitiam legalem, quæ ab Aristotele quinto Ethicorum, initio, iustitia vniuersalis vocata est. Existimo autem dari quandam speciem proprie, & particularis iustitiæ sub proprio genere comprehensam, & à commutatiua, & distributiuâ distinctam, quæ comparatione illarum dicitur generalis non abstractiue, nec collectiue, sed obiectiue, quia ius communitatis, quod generale est, respicit. & consequenter pars est quasi integralis generalis iustitiæ, collectiue sumptæ, & prout ad alterum est, vt Relect. de Iustit. Dei sect. 4. dixi. Ex his vero acceptionibus iustitiæ, quæ præfenti instituto seruit, est prima significatio iustitiæ vniuersalis, quæ in se omnes virtutes, vt partes suæ integræ perfectionis

completitur: nam hæc est, quæ integram rectitudinem homini tribuit tam in se ipso, quam in ordine ad Deum, & proximum, quo necessarium est, vt hominem iustum simpliciter constituat in ordine suo, vt videbimus.

Deinde hæc ipsa vniuersalis iustitia more etiam philosophico diuidi potest in actuale, & habituale, prior consistit in exercitio, & rectitudine actuum omnium virtutum, posterior in permanente perfectione, & habituali dispositione rectæ ad omnia virtutum opera conuenienter exercenda. Et vtriusque acceptionis vsus in Scriptura inuenitur, vt videbimus. Vtraque vero ex his diuidi potest in acquiritam, & infusam, quorum membrorum distinctio quoad actuale iustitiam satis constat ex dictis in libro primo, & secundo, vbi ostendimus in omni genere virtutum dari actus supernaturales in specie sua à moralibus, seu naturalibus distinctos, collectio ergo priorum actuum vocatur actualis iustitia infusa, posterior vero acquiritæ. Quoad habituale vero iustitiam nota est distinctio ex dictis in libro sexto, vbi etiam ostendimus, in omni genere virtutum dari habitus infusos præter acquisitos. In præfenti ergo de iustitia vniuersali infusa loquimur, quia hæc per se spectat ad ordinem gratiæ, comprehendendi autem potest etiam acquiritæ, quatenus in natura lapsa sine specialibus gratiæ auxiliis comparari non potest, neque integre exerceri, vt in lib. 1. ostensum est. Abstrahimus vero nunc à iustitia actuali, & habituali, nam in sequentibus capitibus commodius illas distinguemus.

Tandem iuxta præcedentem diuisionem addimus aliam, quam ex modo loquendi Pauli desumimus, videlicet, vt quædam sit iustitia humana, & alia diuina vocetur, licet vtraque sit hominis iustitia. Nam humana dici potest eadem cum infusa, vnde vtrique in homine recipitur, variisque nominibus in Scriptura appellatur, omnia vero illa duo membra continent, & sub variis respectibus illa indicant. Iustitia igitur humana à Paulo vocatur, quæ consistit in externa obseruatione alicuius legis: hæc enim & apud homines iustitia censetur, & ratione humana fit sine spiritu fidei, & ideo humana merito vocatur. Propter quod solet etiam Paulus hanc iustitiam distinguere à iustitia fidei. De hac loquitur ad Romanos quarto. *Si Abraham ex operibus iustificatus est, habet gloriam, sed non apud Deum*, id est, si non habuit, vel non est consequutus aliam iustitiam, nisi quæ est in operibus legi consentaneis, & non est ex spiritu fidei, est dignus laude apud homines, qui externa opera respiciunt, non tamen apud Deum, qui altiore iustitiam postulat. Merito ergo hæc iustitia humana dicitur, quia & per humanam rationem, ac regulam obseruatur, & apud homines gloriam habet, & humanæ societati deservit, ideoque recte distinguitur à iustitia diuina, quæ est specialiter à Deo, & apud Deum, ad quem etiam per se primo tendit. Et de vtraque loquitur Paulus Romanor. 10. cum inquit. *Ignorantes iustitiam Dei (id est diuinam) & suam (id est humanam) querentes statuere, iustitia Dei non sunt subiecti*.

Vtramque item insinuauit Christus Matth. 5. dicens. *Nisi abundauerit iustitia vestra plusquam Scribarum, & Phariseorum non intrabitis in regnum Cælorum*. Sciendum est autem iustitiam Dei semper esse veram, & solidam: nam si est ficta, & ex hypocrisis, non est Dei iustitia. Iustitia autem humana, & vera in suo genere, & falsa, seu apparens, & ficta esse potest. Quia iustitiæ opera interdum sunt exteriori per veram virtutem moralem, ac simpliciter honeste, & recte interdum solum apparenter. Et in hoc posteriori modo etiam sunt gradus: nam interdum seruatur aliqua iustitia in operibus quoad substantiam operum, quia per illa vere seruatur aliqua lex, quamuis in modo

non seruetur integre iustitia etiam humana, & moralis, quia vel opera non sunt ex debito fine, vel non cum omnibus circumstantiis: aliquando autem, nec in substantia operum vera naturalis iustitia seruetur, sed tantum in externa specie, & cum hypochryli. Et hæc vltima fortasse intellecta est à Christo per iustitiam Pharisæicam. Nihilominus vero sententia ipsius generaliter vera est de tota iustitia humana, etiam si in suo ordine vera sit, quia nihil excellentior sit nostra iustitia ad regnum cælorum, non sufficit quia, iustus ex fide uiuit.

Hæc item iustitia humana cum tota hac amplitudine explicata dicitur iustitia operum de qua intelligi potest illud ad Tit. tertio. *Non ex operibus iustitia que fecimus nos, &c.* Potestque ulterius hæc humana iustitia in naturalem, seu moralem, & politicam, seu civilem distinguere, quarum prior naturali legi est consentanea, posterior legibus humanis, & civilibus inseruit, ut Philosophi morales latius disputant. Denique sub hac iustitia humana eam comprehendimus, quæ iustitia legis, seu legalis dicitur à Paulo. ut Rom. 2. *Si preputium iustitias legis custodiat, & ad Philippen. 3. Secundum iustitiam, quæ in lege est, conuersatus sine querela.* Et infra, *Et inueniam in illo non habens meam iustitiam, quæ ex lege est, sed illam quæ ex fide est Christi Iesu.* Vnde cum ad Roman. 10. de Iudeis dicit. *Ignorantes iustitiam Dei, & suam querentes statuere, per iustitiam suam, legalem plane intelligit, quam ibidem vocauerat, iustitiam, quæ ex lege est, & sic de se loquens illam vocauit, iustitiam, meam, cumque illam distinguat à iustitia Dei, dicens, Ignorantes iustitiam Dei, profecto iustitiam in lege, seu ex lege humanam tacite appellat. Cumque aliis locis appellat, legem operum, seu factorum ad Roman. 2. merito iustitia illa legalis sub iustitia humana, vel operum comprehenditur. Vnde à Paulo etiam sæpe vocatur iustitia ex operibus, & ab eis distinguitur, quæ est ex fide, propter rationem, quam statim subiungemus.*

Et quamuis verum sit, illam iustitiam legalem fuisse aliquo modo diuinam, quatenus consistebat in obseruantia à Deo institutis, & præceptis, quatenus tamen illa lex non obseruabatur ex fide, ut Paulus ait ad Galatas tertio, neque per spiritum consequendi veram sanctificationem & remissionem peccatorum in fide, & spe Christi venturi, sed solum ad consequendam iustificationem legalem, & præmia temporalia in illa lege promissa, tota illa iustitia humana, & carnalis, seu temporalis erat. Et sic Paulus ad Hebræos 9. iustitias carnis illas vocat, *quæ (inquit) non possunt iuxta conscientiam perfectum facere seruientem.* Et in eodem sensu absolute pronuntiat ad Galatas tertio. *Quoniam autem in lege nemo iustificatur apud Deum, manifestum est, quia iustus ex fide uiuit, lex autem non est ex fide, sed qui fecerit ea, uiuet in illis, utique uita temporalis, nam spiritualtem dare non poterant sua uirtute, quia ad Roman. 3. dicit. Ex operibus legis non iustificabitur omnis caro coram illo.* Erat ergo tota illa iustitia legalis per se spectata humana, ideoque sub priori membro illam comprehendimus, & à præsentis consideratione reuicimus, ubi solum veram iustificationem apud Deum inuestigamus. Quomodo autem veteris legis obseruatio, si ex fide fieret, posset ad iustitiam coram Deo conferre, docet Augustinus libro tertio contra duas Epist. Pelag. c. 7. dicens. *Miro quodam modo, sed tamen uero iustitiam legis non implet iustitia, quæ in lege est, sed quæ in spiritu gratiæ, de qua plura in sequentibus.*

Iustitia diuina dicitur interna rectitudo, & sanctitas hominis apud Deum, à qua solent vocari homines in Scriptura simpliciter iusti, quia ex fide uiuunt & Deo placent, illique grati sunt, & ideo qui tales sunt, non solum simpliciter iusti dicuntur, sed etiam à malis, & peccatoribus, condemnatis distinguuntur, in quo docemur, solos illos esse uere iustos. Sic Matt. 9. dixit Christus, *Non ueni uocare iustos, sed*

peccatores ad penitentiam, & capitul. 23. Separabit malos de medio iustorum, & capitul. 25. Et ibunt hi in supplicium æternum, iusti autem in uitam æternam. Et in veteri etiam testamento multa similia de iustis prædicantur, quale est illud, *Iusti autem in perpetuum uiuent, & apud Dominum est merces eorum; Sapient. 5. Et illud, Latamini in Domino, & exultate iusti, Psalm. 31. & Psalmi. 5. Quoniam tu benedices iusto, & Psalm. 36. Salus autem iustorum à Domino, & Psalm. 111. In memoria æterna erit iustus, & Psalm. 114. Dominus diligit iustos, & infinita similia.*

Vnde Paulus hanc formam, à qua homines denominantur simpliciter iusti, interdum appellat absolute, *iustitiam*, quasi per antonomasiam. Ut 2. Corinth. 6. *Que enim participatio iustitiæ ad iniquitatem, aut quæ societas luci ad tenebras, &c.* ad Galatas 2. *Si enim per legem iustitia, ergo gratis Christus mortuus est.* Idem fere capitul. 3. & 5. & ad Philippen. 1. *Repleti fructu iustitiæ.* Aliquando uero illam uocat iustitiam fidei ad Roman. 8. *signaculum iustitiæ fidei*, ut distinguat illam ab omni iustitia humana, quæ uiribus humanis nititur, & doceat hanc iustitiam esse donum gratiæ, quod à fide incipit, & consummatio eius per fidem impetratur, iuxta illud ad Ephes. 2. *Gratiæ estis salutari per fidem, & hoc non ex uobis, donum enim Dei est, non ex operibus, ut ne quis gloriatur.* Alias etiam rationes huius denominationis iustitiæ in sequenti libro adducemus, ostendendo per illam non excludi opera, quæ sunt ex fide, sed opera ex quibus & ipsa fides, & tota hæc iustitia nobis proueniat. Et interim citari potest Augustinus libro de Gratia, & libero arbitrio, capite 7. 8. & 9. & Prefatione ad Psalmum 31. & Epistola 105. 106. & 120. capite 30. Item uocat hanc, *iustitiam Dei*, ad Roman. 10. *Ignorantes iustitiam Dei, & suam querentes statuere, iustitiæ Dei non sunt subiecti.* Dicitur autem iustitia Dei (si scholastico more loquendo) non subiectiue, sed effectiue, id est, *non quia iustus est, sed quia est homini ex Deo*, ut dixit Augustinus libro de Grat. & libero arbitrio. capite 12. & de Spirit. & liter. capitul. 18. & in 9. ait. *Quia Deus induit hominem, cum iustificat impium.* Et eodem modo potest appellari iustitia Christi, imo etiam ipsum Christum appellauit Paulus, *iustitiam nostram*, prima Corinth. 1. de qua appellatione plura in sequentibus, huius enim diuinæ iustitiæ effectus formalis est iustificatio, de qua nunc tractamus.

Secundo loco dicendum est de uerbo, *iustificandi*, plures enim habet significationes, quas diuinguere oportet. Et in primis duæ sunt magis celebres, una est, ut iustificare idem sit, quod iustum declarare, seu ostendere, altera est iustum facere, vel constitutuere. Priorem significationem, ut dixi, ita pertinaciter astruunt hæretici, ut solum illam uerbi, *iustificandi*, significationem in Scriptura admittant. Catholici uero, licet alteram potiore significationem, & magis à Paulo intentam esse doceant, nihilominus priorem non contentiose negant, sed in multis locis Scripturæ uicariam esse fatentur. Et patet ex illo Luc. 10. *Ille uolens iustificare se ipsum, id est, iustum pronuntiare, aut ostendere, & Ecclesi. 7. Non te iustifices, ante Deum. Et Isaia. 5. Va qui iustificas impium pro muneribus*, id est, absolutis illum. Et hoc modo solet uerbum iustificandi opponi uerbo condemnandi in forensi iudicio: nam reus condemnari dicitur, cum conuictus declaratur. Vnde iustificari dicitur, cum absoluitur, ut de iniquo iudice dicitur Proverb. 7. *Qui iustificat impium, & qui condemnat iustum, uterque abominabilis est apud Deum.* De Deo uero, quia eius iudicium rectum, & infallibile est, ait Paulus Roman. 8. *Deus qui iustificat, quis est, qui condemnet?* Et iuxta hanc significationem dicitur interdum iustificari ipse Deus Psalm. 50. *Ut iustificeris in sermonibus tuis, & vincas cum iudicaris, & Luc. 7. Omnis populus audiens, & publicani iustificauerunt Deum, & licetiam præcepta Dei dicuntur, iustificata in*

9. *iustitia per antonomasiam à Paulo dicta.*

16. *Duplex acceptio iustificandi.*

semetipsa, Ps. 18. id est prae se ferentia iustitiam, & aequitatem. De hac ergo significatione verbi iustificandi nulla est dubitatio.

11. Significatio verbi iustificandi certissima, qua Catholici utuntur

Veram tamen non minus certa est altera significatio, in qua iustificari idem est, quod iustum fieri, & si addatur, apud Deum, idem erit, quod fieri iustum simpliciter, id est, vera, & absoluta iustitia, ac diuina, quae Deo placeat, eique hominem gratum reddat. Frequens est usus verbi apud Paulum in hac significatione Roman. 3. *Iustificati gratis per gratiam ipsius, per redemptionem, quae est in Christo IESU*, id est, facti iusti, non declarati, nam declaratio non spectat ad gratiam, sed magis ad iustitiam, nec fit per redemptionem, sed per iudicium, ut ipse etiam haereticus dicunt. Item subdit, *Ut sit ipse iustus, & iustificans eum, qui est ex fide*. Et iterum. *Vnus est Deus, qui iustificat circumcisionem ex fide, & preputium per fidem*, & capitul. 4. *Credenti in eum, qui iustificat impium*, Deus enim non iustificat impium declarando illum iustum, alias falsum declararet, iustificat ergo impium, cum ex improbo facit pium, ut dixit Augustinus. epist. 120. capitul. 20. & concion. prima, in Psal. 30. *Qui iustificat impium*, id est, qui facit ex impio iustum, & utrunque coniungit in expositione quarundam propositionum Epistolae ad Rom. c. 2. & lib. de Spirit. & liter. cap. 26. & tractat. 3. in Ioan.

12. Argumentum euidens ex Rom. 5.

Præterea Roman. 5. *Iustificati ex fide pacem habemus*. Et infra. *Sicut per unius delictum in omnes homines in condemnationem, sic & per unius iustitiam in omnes homines in iustificationem vita*. Ex qua antithesi euidens sumitur argumentum, quia homines non sunt declarati peccatores per Adamum, sed facti, ergo cum per Christum dicuntur iustificari, non significantur esse declarati, sed facti iusti. Sed retorquent haeretici argumentum, quia opponitur ibi verbum iustificandi verbo condemnandi, at condemnare non est facere, sed declarare reum. Sed argumentum à nobis ex re ipsa sumptum cogit, ut verba rebus accommodemus, non è contra. Sicut ergo verbum iustificandi interdum facere, interdum declarare iustum significat, ita verbum condemnandi interdum significat declarare, interdum vero facere reum, seu poena dignum, & hoc posteriori modo condemnationem ex Adamo contraximus, ut ibi Paulus docet. Estque optimus locus Daniel. 1. ubi eunuchus dixit pueris, *Condemnabitur caput meum Regi*, ubi, *condemnare*, non significat declarare, ut per se est euidens, sed sensus est, facietis me dignum condemnatione, quod est facere reum. Sic ergo Adam nos condemnauit, & è contrario Christus nos iustificauit. Quod euidenter declarat Paulus in eodem loco dum subiungit. *Sicut per inobedientiam unius hominis peccatores constituti sunt multi, ita & per unius obedientiam iusti constituentur multi*. Iustificari ergo est, iustum fieri, seu constitui, & è conuerso per inobedientiam Adæ peccatorem constitui, est condemnationem ab illo trahere.

13. Pergit eadē expositio.

Ad hæc ad Galat. 3. sic ait Paulus, *Providens Scriptura, quia ex fide iustificat gentes Deus, pronuntiavit Abraham, quia benedicentur in te omnes gentes*. Vbi aperte declarat verbum benedicendi per verbum iustificandi, Deus autem iuxta usum Scripturæ, non dicitur benedicere aliquem, quia pronuntiat, sed quia confert bona, ita ergo dicitur iustificare. Vnde subiungit. *Quoniam autem in lege nemo iustificatur apud Deum, manifestum est, quoniam iustus ex fide vivit: ergo iustificari idem est quod viviificari, ut sic dicam, seu vitam consequi per fidem*. Et similis locus est Actuum. 13. ubi ibidem Paulus Iudæis prædicauit. *Notum sit vobis viri fratres, quia per hunc vobis remissio peccatorum annuntiatur & ab omnibus, quibus non potuisti in lege Moysi iustificari, id est, mundari, aut liberari, in hoc omnis, qui credit, iustificatur, plane in eodem sensu, id est liberatur, & iustus efficitur, neque alius sensus ibi potest adaptari. Nullum ergo dubium esse po-*

test de hac illius verbi significatione in Scriptura, & ita etiam in usu Sanctorum, & præsertim Augustini est frequentissima, ut iam tactum est. Vnde libro secundo. Retract. capitul. 33. refertens se scripsisse contra Pelagium de gratia, *quoniam iustificamur*, exponit, id est, *iusti efficiamur*, & plura in sequentibus notabimus.

Iuxta hæc, quæ de verbo iustificandi diximus, distinguenda etiam est vox, *iustificatio*: nam & declarationem, seu ostensionem iustitiae, aut innocentiae, & effectiorem, seu collationem iustitiae significare potest. Et haeretici contendunt, solum priori modo sumendam esse secundum Scripturæ usum. Nos autem dicimus, cum agitur de propria hominis iustificatione, posteriori modo sumi, quod eisdem testimoniis probamus, & aliis, quæ sequenti capite asseremus. Necessarium autem est, hanc vocem iuxta hanc posteriorem significationem amplius declarare. Quia cum iustificatio dicat habitudinem ad iustitiam, quot sunt iustitiae, tot possunt distinguere iustificationes, scilicet externa, interna, acquisita, infusa, actualis, habitualis, simpliciter, vel secundum quid. In præfati ergo sermo est de iustificatione coram Deo, ad quam necesse est, ut per illam detur vera iustitia, & diuina, quæ absolute, & simpliciter talis *Dispositio* fit. Vltimus vero, hæc iustificatio à Theologis distinguitur in primam, & secundam. Nam verbum iustificandi interdum significat facere iustum, ut fere in citatis locis Pauli, interdum facere iustiores, ut in illo Apocalyp. ult. *Qui iustus est, iustificetur adhuc*, ibi enim verbum, *iustificandi*, euidenter iustificatur, non pro declaratione, sed pro effectiorem iustitiae, non quoad acquisitionem, quia supponitur homo iustus, ergo quoad augmentum iustitiae, sicut aperte subditur. *Qui sanctus est, sanctificetur adhuc*, & de peccatore, *Qui in sordibus est, sordescat adhuc*. De hoc etiam incremento iustitiae loquitur Iacob. capit. 2. cum dicit. *Abrahamum, ex operibus iustificatum fuisse*, iuxta probabilem expositionem infra tractandam, & de eadem dicitur Ecclesiastic. 18. *Ne verarum virtutum iustificari*. Sic ergo duplex dicta iustificatio distinguitur.

Prima iustificatio vocatur, quæ in ipsa infusione iustitiae fit, secunda, quæ in augmento ipsius iustitiae consistit. Et utraque potest à nobis subdistingui multis modis. Nam in infusione iustitiae duo interueniunt, unum est productio ipsius iustitiae per mutationem subiecti, alterum est terminus illius productionis, vel formalis, qui ipsa est iustitia, vel adæquatus, qui est ipse iustus, hominem esse iustum per ipsam iustitiam, hic enim est effectus formalis eius. Vnde factum est, ut ipsa mutatio ad iustitiam, seu productio iustitiae, & ipsa informatio iustitiae dici soleat iustificatio. Ita distinguit D. Thom. in 4. d. 1. q. 1. art. 1. quæstionacula 1. ad 1. & q. 28. de Verit. art. 1. in fine cor. & ad 7. & de priori significato in libro sequenti dicendum est, nunc de effectu ipsius iustitiae tractamus, & ideo nomine iustificationis non actionem productionem, sed informationem ipsam iustitiae intelligimus, sicut possumus effectum formalem albedinis, aut animæ, dealbationem, aut viuificationem appellare: utrumque vero significatum potest cum proportionem ad secundam iustificationem applicari, ut per se constat.

Deinde specialiter prima iustificatio ex parte terminum, à quo cum D. Thom. in locis allegatis distingui potest. Nam aliquando fit ex carentia gratiae, tanquam ex termino pure negativo, aliquando vero ex termino contrario, vel priuatiuo rigorose. Priori modo facta est iustificatio in Angelis, & in Adamo in creatione sua, quia non ex peccato iustificati sunt, sed ex non iustis facti iusti. Dico autem, ex non iustis, non quia carentia iustitiae in eis duratione præcelleret, sed tantum ordine naturæ, iuxta probabiliorem sententiam; consistit autem illa prioritas in hoc, quod cum

Præfatio
iustificatio
huiusque non
fit à peccato
in gratiam
iustificatio
B. Virginis
non fuit à
peccato,
quod in illa
præcessit,
sed quod præ
cederet.

17.
Præcipua
differentia
duplicitè
præcipua
iustificatio
na.

18.
Acquiescen-
tia in iu-
stificatione
cauenda.

Quia secun-
da iustifica-
tio.

eum illi ex se non essent iusti, per supernaturale do-
num iusti effecti sunt: sicut potuit fieri illuminatio
prima in aere, licet nunquam lumine caruerit. Unde,
inter alia in hoc differt hæc iustificatio ab alia, quæ fit
à peccato, quod illa nunquam est facta ex carentia
gratiæ, quæ duratione præcessit, sed quæ esset,
quantum erat ex naturalis subiecti, si talis forma ei
non infunderetur, in altera vero iustificatione, quæ
est à peccato, semper præcedit tempore carentia gra-
tiæ, quia præcedit saltem originale peccatum. Ex-
cipienda vero est iustificatio Virginis, quæ habuit
quidem pro termino à quo peccatum, quia fuit iu-
stificatio redemptionis, non tamen fuit à peccato,
quod in tali persona præcessit, sed quod præcederet,
nisi per talem iustificationem præueniretur. Eon-
trario vero iustificatio animæ Christi per gratiam
creatam, licet per se spectata fuerit similis iustifica-
tioni Adæ, & Angelorum in termino à quo mere ne-
gatio, & ordine naturæ, non duratione præceden-
te, nihilominus in hoc fuit excellentior, quod illa ne-
gatio iam non erat connaturalis animæ Christi, ut vi-
nitæ Verbo, sed potius gratia creata erat illi con-
naturalis, quia illa iustificatio per gratiam creatam non
fuit prima sanctificatio talis animæ, iam enim erat
sanctificata per gratiam vnionis, ratione cuius altera
gratia illi debita erat.

Præcipuum vero discrimen inter illos duos modos
iustificationis est, quod per priorem non expellitur
malum culpæ, sed tantum additur bonum iustitiæ,
per posteriorem vero vtrumque donatur, & ideo spe-
cialiter iustificatio impii, seu iustificatio à peccato
appellari solet. Hæc vero differentia non ex eo prouen-
it, quod prior iustificatio de se minus sufficiens sit
ad illum effectum præstandum, sed quia subiectum
non indiget illo, ut in calefactione ex subiecto frigid-
o, vel tantum non calido facile considerare licet.
Quo circa licet in presenti de iustificatione impii præ-
cipue disputemus, quia vero, quantum ad positium
effectum formalem, quem nunc consideramus, non
est substantialis differentia inter illos duos iustifica-
tionis modos, ideo doctrina vtrique communis erit.
Solum notari potest, hanc primam iustificationem
priori modo factam in primo homine quandam per-
fectionis modum habuisse, ad quem nunc non per-
tingit iustificatio impii. Nam primo homini data fuit
iustitia originalis cū integra naturæ rectitudine, qua
& mens Deo, & caro spiritui perfecte subiciebatur,
ut in quarto prolegomeno visum est: nunc autem, cum
homo peccator iustificatur, non restituitur ad illum
perfectionis statum ex ea parte, quæ caro plenè spiri-
tui subdebatur. Nihilominus tamen est substantiali-
ter, & essentialiter, ac simpliciter iustificatio, quia
quoad internam renouationem, & sanctificationem
animæ, non est minus perfecta, & in hoc consistit iu-
stificationis essentia, ut postea videbimus. Unde etiā
in ipsa primā iustificatione impii quædam est perfe-
ctior, quam alia quoad aliquos secundarios effectus,
ut in baptismo est perfectior, quam in penitentia, per
se loquendo, & in vno homine potest esse intensius
perfectior, quam in alio, ut postea videbimus, hoc autem
non obstat, quominus qualibet illarum sit sim-
pliciter iustificatio, & essentialiter perfecta.

Tandem circa secundam iustificationem cauenda
in primis est vocis æquiuocatio, nam aliquando dicitur
à Patribus secunda iustificatio illa, quæ fit per peni-
tentiam post amissam baptismalem gratiam. Sed
re vera est per se, & substantialiter prima, quia non est
augmentatio, sed productio iustitiæ, quæ illam in sub-
iecto non supponit, solumque dicitur secunda, quia in
eodem subiecto altera præcessit, quod accidentariū
est ad talem modum iustificationis. Hic ergo dicitur
secunda iustificatio, quæ non est mutatio ex nō grato
in gratum, sed ex grato in magis gratum, & ita per se
supponit priorem iustificationem, per quam subie-
ctum factum sit gratum. Nec vero hæc iustificatio se-
parat.

cunda numeratur, quia vna tantum potest sine termino
posui, quia secundum numerum potest sine termino
multiplicari, vique ad mortem, ut dixit sapiens. Sed
secunda appellatur formaliter ex eo, quod per se sup-
ponit gratiam, quod vero aliquando supponat iusti-
tiam iam auctam per alteram secundam iustificatio-
nem, accidentarium est. Hæc autem secunda iustifi-
catio pertinet ad iustitiæ augmentum, de quo in li. 9.
dicere intendimus.

Addit vero Augustinus lib. 2. contra Iulianum cap. 19.
8. tertium iustificationis modum, cum (inquit) exau-
dimur orantes, dimitte nobis debita nostra, id est, cum no-
bis venialia peccata remittuntur, hæc enim remissio, ut est opus hoc
ait, semper est nobis necessaria in hac vita, etiam si in secundæ loco.
iustificatione multum profecerimus. Veruntamen in il-
la remissione duo spectari possunt, vnum est exclusio
mali, & sic illa non pertinet ad effectum positium
iustitiæ, de quo nunc tractamus, aliud esse potest
nonnulla positius perfectio, quæ inde prior iustitiæ
accrescit, & hæc quando intercesserit ad secundam iu-
stificationem declaratam pertinebit, & ita nō est hoc
tertium membrum nobis necessarium. An vero cum
remissione venialis peccati coniuncta semper sit ali-
qua positius iustificatio, in sequentibus attingetur,
licet in primo, & quarto tomo tertiæ partis de illa re
à nobis disputatum sit.

Addit præterea Augustinus alium perfectæ iustifi-
cationis modum, vel etiam augmentum, in quo iu-
stitia ita perficitur, ut homo per illam rectitudinē in
amissibilem, imo & indefectibilem tam leui, quam
gravi lapsu consequatur, eamque appellat nouam
regenerationem, imo, & adoptionē, & redemptionē
lib. 3. contra duas epist. Pelag. c. 2. 3. 7. & sequentibus, &
ideo iustificationem huius vitæ solet vocare mino-
rem, alteram vero plenam, & perfectam tract. 4. in
Ioann. & lib. de Spirit. & liter. cap. vltim. & libro de
Perfect. iust. ratioci. 8. Veruntamen hæc plena iusti-
ficatio ad statum, & perfectionem gloriæ pertinet,
non ad iustificationem viæ, de qua nunc tractamus.
Illa vero perfectio non est de essentia iustificationis,
ut sic dicam, & ideo sine illa esse potest non solum iu-
stificatio vera, & simpliciter sic dicta, sed etiam per-
fecta tum essentialiter, tum etiam accidentaliter, iux-
ta capacitatem viæ, ut Augustinus eisdem locis tra-
dit, & lib. 2. de Peccator. merit. capitul. 13. & 15. & de
Natur. & grat. cap. 12. & ex discursu materiæ luculen-
tius constabit. Omisssa vero nunc secunda iustifica-
tione, de qua in lib. 9. dicturi sumus, de prima iusti-
ficatione in presenti tractamus, non quidem prout in
angelis, vel primo homine facta est, sed prout ordi-
narie fit in hominibus, qui ex Adamo impii, & pec-
catores generantur quæ propterea solet iustificatio
impii appellari.

De hac ergo iustificatione concludimus non confi-
stere tantum in remissione peccati, sed in aliquo etiā
dono positivo diuinæ gratiæ. Non negamus quidem
iustificationem includere remissionem peccatorum,
quod solent hæretici catholicis imponere, sed falso,
ut postea videbimus, sed asserimus iustificationem
hanc non in sola peccatorum remissione consistere,
ac proinde aliquem positium gratiæ effectum in-
cludere. Assertio est certa de fide definita in Conci-
lio Tridentino sess. 6. canon. 11. vbi anathema dicitur
in eos, qui dixerint, hominem iustificari sola peccatorum
remissione. & capitul. 7. dixerat. Hanc dispositionem, seu
preparationem iustificatio ipsa consequitur, quæ non est sola
peccatorum remissio. Et eandem veritatem in sequen-
ti capite confirmabimus, ostendendo ex Scriptura, &
Patribus, qualis sit hic effectus positius iustificatio-
nis impii. Probari etiam potest ex dictis in capitulis
præcedentibus, quia homo non iustificatur, nisi
fiat Deo gratus, sed hic est effectus positius gratiæ,
ut ostensum est, ergo. Solent autem, ut moderni
referunt, respondere hæretici, nos confundere san-
ctificationem, seu renouationem hominis cum iusti-
ficatione.

20.
Plena iusti-
ficatio non
est in viâ,
sed in patriâ

De primo
iustificatio-
nis modo est
in presenti
sermo.

Veritas huius
asserit.

hæreticorum
responsio
confutatur.

catione, & ideo ab una ad aliam non bene argumen-
tari: nam sanctificatio, ut aiunt, est quid diuersum
à iustificatione, & posterior illa: prius enim Deus ho-
minem iustificat, & postea illum renouat, vel sibi
gratum reddit. Ducuntur tamen ex falsa apprehen-
sione, seu abusu verbi, iustificandi, quod solam libe-
rationem à peccato, vel pænæ reatu significet, cuius
oppositum à nobis ostensum est. Vnde ex dictis de
verbi, iustificandi, significatione satis probari potest
catholica veritas. Nam Deus non iustificat homi-
nem tantum absoluen-
do illum à peccato, & ita de-
clarando illum iustum, sed faciendo iustum per gra-
tiam suam, ut ex Paulo est probatum, ac facere ius-
tum quid positium est, ut ex terminis videtur eui-
dens, ergo iustificatio est, vel includit positium gra-
tiæ effectum, per quem homo fit iustus.

22.
Confirmatio.

Vnde confirmatur, nam licet daremus iustificandi
verbum semper sumi in illa significatione forensi, ni-
hilominus Deo attributum non posset non includere
prædictum effectum, vel illum supponere. Proba-
tur, quia iudicium Dei non potest esse mendax, neque
iniquum, ergo si eum, qui erat impius, iustificat, iu-
dicando iustum, necesse est, ut non solum dicat, sed
etiam dicendo faciat ex impio iustum, ut ex Augu-
stino retulimus: nam alias iniquum, & falsum iudi-
cium proferret, quod cogitari non potest. Et ideo
Paulus 1. Corinth. 4. cum dixisset, nihil mihi conscius
sum, sed non in hoc iustificatus sum, id est, iustus probatus,
ut hæretici exponendum contendunt, statim adiun-
git. Qui autem iudicat me, Dominus est, quasi dicat, si
autem Deus me suo iudicio iustificaret, vere essem
iustus, quia iudicium Dei falsum esse non potest, &
ideo quem iustificat, vel iustum supponit, vel facit.
Ideo 1. Io. 3. dicitur. Videte qualem charitatem dedit nobis
Pater, ut filii Dei nominemur, & simus. Quia ut sit vera
filiatio, non satis est nomen, nisi res subsistat. Nam, ut
ibi ait Augustinus tract. 4. Qui vocantur, & non sunt, quid
illis prodest nomen, ubi res non est?

23.
Respondetur
hæreticis
usque.

At forte hæretici respondebunt, Deum iustificare
impium vere, & sine fictione quia potens est con-
donare delictum, & ita non iustificat, ut homo, de-
clarando, non esse factum, vel non esse probatum deli-
ctum, sed iustificat Deus, delictum commissum re-
mittendo, & ita hominem iustum esse declarando. Sed
hæc responsio repugnat in primis alteri errori eorun-
dem hæreticorum dicentium, peccata non verè tolli
per iustificationem, sed regi, vel plane imputari: nam
si hoc ita est, non potest Deus vere iustificare impium,
etiam declarando illum iustum, vel non peccatorem,
quia non imputari peccatum, non est non habere pec-
catum, imò supponit peccatum in eo, cui non im-
putatur. Deinde etiam illa responsio non sibi con-
stat quoad verbi iustificandi significationem. Nam
si verbum illud solum habet forensam significationem,
quæ est reum absolvere iudicialiter, nullo mo-
do significat facere id, quod necessarium est, ut iudi-
cium, seu declaratio vera sit, quia non significat (ut
sic dicam) actum condonandi, aut remittendi, sed
tantum iudicandi. Quapropter si semel admittitur,
Deum iustificare non solum declarando, sed etiam
faciendo remissionem culpæ, iam receditur ab il-
la stricta, & forensi significatione verbi, & sicut hæ-
retici dicunt, per illud verbum significari absolutio-
nem à culpa remittendo illam, ita dici posset signifi-
cari declarationem positivæ iustitiæ, conferendo
illam.

24.
Probatum
ultimo.

Vnde argumentor tandem, quia Deus iustificando
peccatorem, non tantum declarat, vel facit illum non
malum, ut sic dicam, sed etiam bonum, ergo quo-
cunque modo verbum iustificandi exponatur, neces-
se est, ut dicat non tantum carentiam mali, sed etiam
positivum effectum bonitatis, ergo gratia iustifica-
tionis, id est, quæ per iustificationem fit, vel declara-
tur, non tantum consistit in absolutione à malo, sed
necesse est, ut aliquo modo conferat positivum do-

num. Primum antecedens, ex quo cætera plane con-
sequuntur, ex Paulo evidenter conuincitur: nam de
iustificatione loquens illa duo frequenter coniungit
vel eisdem verbis, vel æquivalentibus, interdu-
m propriis interdum metaphoris. Satis tamen as-
pertis, 1. Corinth. 6. Hæc quidam fuistis, sed abluti estis,
sed sanctificati estis, sed iustificati estis. Certe licet verbum,
ablundi, de remissione peccati exponatur, de verbo
sanctificandi negari non potest, quin significet facere
sanctum, ac proinde bonum, quomodo enim erit
sanctus, nisi sit bonus? Vtrumque ergo sub iustifica-
tione concludit, cum addit. Sed iustificati estis. Et eo-
dem modo ad Ephes. 5. dicit Christum se ipsum pro
Ecclesia tradidisse, ut illam sanctificaret, mundans lava-
cro aquæ in Verbo vitæ, ut exhiberet sibi gloriosam Ecclesiam
non habentem maculam, aut rugam, aut aliquid huiusmodi, sed
ut sit sancta, & immaculata, ergo dum Christus per la-
uacrum iustificat Ecclesiam non solum illam mundat
à maculis peccatorum, sed illi etiam sanctitatem, &
bonitatem impertit, vtrumque ergo sit per veram ius-
tificationem.

Et hoc ipsum his verbis expressit ad Roma. 6. Qui-
cunque baptizati sumus in Christo Iesu, in morte ipsius baptiza-
ti sumus: Consepulti enim sumus cum illo per baptismum in eum
mortem, ut quo modo Christus surrexit à mortuis per gloriam
Patris, ita & nos in novitate vitæ ambulemus. Vnde postea
colligit. Ita & vos exiistimatis mortuos esse peccato, viventes
autem Deo, quia scilicet per baptismum morimur pec-
cato, quia remittitur, & boni efficiamur, quia vivimus
Deo. Vnde etiam ad Romanos. 4. in nostra ius-
tificatione illa duo expresse distinguit, dum de Chri-
sto ait. Traditus est propter delicta nostra, & surrexit propter
iustificationem nostram, Vbi duo ait fieri in nobis pro-
pter Christum, vnum est remissio peccatorum,
quam specialiter attribuit morti Christi, aliud resti-
tutio ad spirituale vitam, quæ per Christi resur-
rectionem singulari modo repræsentata est, & hoc
posterius expressius significat nomine iustificationis,
quam prius. Vnde in cap. 5. subiungit. Iustificati ergo
ex fide pacem habemus ad Deum, usque ad illud. In se
gloria filiorum Dei in quo aperte significat eum, qui ius-
tificatur, per ipsam iustificationem fieri filium Dei,
ac proinde bonum, & sanctum. Et similiter postea
dicit. Per vnius obedientiam iusti constituuntur multi: ne-
mo autem constituitur iustus, nisi fiat bonus, cum
iustitia integram rectitudinem dicat, ut exposui-
mus. Atque hæc nunc sufficiunt, ut plane constet
iustificationis effectum non in sola carentia mali, sed
etiam inpositiva collatione alicuius boni consistere.
Et hoc etiam frequentissime docent Patres allegan-
di capite sequenti, & præsertim videri potest Augu-
stinus epistol. 105. & 106. & libro tertio contra duas
epistol. Pelag. capit. 4. 7. & sequentibus. Quale au-
tem illud donum sit, in sequentibus capitibus de-
clarandum est, & inde hæc veritas amplius confirmabi-
tur. Ad fundamentum autem hæreticorum supra in-
finuatam satis responsum est, alia vero in sequenti
capite dissolventur.

C A P V T VII.

Vtrum aliqua gratia homini inherens positium ius-
tificationis effectum ex sua intrinseca na-
tura formaliter ei con-
ferat?

S Vppositis, quæ in superiori capite, & in primo,
Sæcundo diximus, superflua videri potest hæc Ratio
quæstio, tamen ut hæreticis omnibus modis resista-
mus, & singula ex propriis principiis formaliter osten-
damus, necessaria visa est. Cōueniunt ergo hæretici hu-
ius tēporis in neganda intrinseca, nobisq; inherente
formali causa iustificationis, sed hanc causam dicunt
esse aliquā iustitiā extrinsecam nobis imputatam.
In